

詳註 孝經

上海新文化書社印行

至聖先師孔子語
曾子以孝經本義

謝金進

中華民國廿四年十月三版

詳註孝經

全書一冊

定價大洋二角

校閱者 何銘

出版者 新文化書社

印刷者 新文化書社


總發行所 新文化書社

馬上海路四

分發行所

廣州 新文化書社
北平 自強齋書局
成都 同記書局
杭州 武林書局
長沙 鴻文書局

南京 聚珍書局
漢口 民益書局
濟南 華北書局
梧州 文淵書局
重慶 振亞書局



至聖先師孔子語
曾子以孝經本義

孝經篇目

- | | |
|---------|---------|
| 開宗明義章第一 | 天子章第二 |
| 諸侯章第三 | 卿大夫章第四 |
| 士章第五 | 庶人章第六 |
| 三才章第七 | 孝治章第八 |
| 聖治章第九 | 紀孝行章第十 |
| 五刑章第十一 | 廣要道章第十二 |
| 廣至德章第十三 | 廣揚名章第十四 |
| 諫諍章第十五 | 感應章第十六 |
| 事君章第十七 | 喪親章第十八 |

孝感動天

哭竹生笋



百行之首
以孝為先



忠於事君



終於立身



御註孝經

開宗明義章第一

開一經之宗本
明五孝之義理

仲尼居曾子侍

仲尼孔子字居謂問居曾子孔子弟子侍謂侍坐

子曰先王有至德要道以順天

下民用和睦上下無怨汝知之乎

古者稱師為子先王謂先代聖王也德者人生所得於天之性至德謂盡性之美造其極而無加也

道者人所共由事物當然之理要道謂窮理之至舉其一而該眾也順天下謂順天下之人心因其固

有而無所強也上下謂自天子至於庶人也孔子言古先聖王有至極之德切要之道以順天下而天

之治也汝知之乎

蓋孔欲明孝道之大而先發端以問之也

曾子避席曰參不敏何足以知之

參曾子名禮師有問則避席起答曾子問孔子之言甚大且

深故瞿然起敬避席立對言參不通敏何足以知其義也

子曰夫孝德之本也教之所由生也

孔子因曾子之對遂告之以至德要道非他即孝是也孝乃仁之本源仁乃心之全德仁主於愛而愛莫切於愛親故曰德之本本立而道生自然

親親而仁民仁民而愛物舉天下之大無一物不在吾仁之中無一事不自吾孝中

出故曰教之所由生可見行仁必自孝始而教化由此生焉所以為至德要道也

復坐吾語汝身體髮膚受之父母不敢毀傷孝之始也

曾子起對故使復坐以孝道甚大將詳以告之也始謂孝之根

基也人之愛親必自愛身始蓋一身之四肢髮膚皆父母與我者父母

全而生之子當全而歸之朝乾夕惕不敢毀傷是為孝之根基故曰始

立身行道揚名於後世以顯父母孝之終也

御註孝經

天子章第二 諸侯章第三

二

光顯其父母也而後

孝乃完全故曰終

夫孝始於事親中於事君終於立身

孝本愛親故以事親為始移孝可以作忠故以

事君為中忠孝道立方謂之

揚名顯親故以立身為終

大雅曰無念爾祖聿修厥德

大雅詩文王之篇周公述文王之德以告成王者

夫子引此以見為人子孫當念其祖宗而聿修其德則孝子之道始可盡

天子章第二

此章言天子之孝天子至尊故居五孝之首

子曰愛親者不敢惡於人敬親者不敢慢於人

愛者仁之端敬者禮之端惡者愛之反慢者敬之反孔子首言

天子之孝以為天子以天下事親全在以嚴業之心盡愛敬之道愛親者必能博愛不敢惡於人敬親者必能廣敬不敢慢於人推是以行則我所以愛人敬人者各得其宜而人之愛我敬我者亦無所不

至矣愛敬盡於事親而德教加於百姓刑於四海蓋天子之孝也

愛親以及人之

親則天下之人愛我而皆愛吾親矣敬親以及人之親則天下之人敬我而皆敬吾親矣愛以天下愛之至也敬以天下敬之至也宜非愛敬盡於事親乎天子者天下之表也上行則下效君好則民從我

之愛既盡則人亦興於仁而各愛其親矣我之敬既盡則人亦興於禮而各敬其親矣能如是則百姓之眾四海之大同歸於孝矣此天子之孝所以為大也

甫刑曰一人

有慶兆民賴之

甫刑即書經呂刑篇一人謂天子兆民謂百姓四海孔子引呂刑之言謂一人有愛敬之之善兆民皆仰賴之以見天子合天下之孝以為孝也

諸侯章第三

此章言諸侯之孝兼公侯伯子男

在上不驕高而不危制節謹度滿而不溢

在上在一國臣民之上也費用約檢謂之制節慎行禮法謂之謹度諸侯為一

國之君其為高矣高者易危若能不以尊自驕位雖高不至於危享一國之賦其財滿矣滿則易溢若能制節以謹守侯度財雖滿不至於溢是知貴不與驕期而驕自至富不與侈期而侈自生諸侯國當

也。高而不危所以長守貴也。溢而不滿所以長守富也。居高位而不危則不以陵傲召禍而致卑替其位可長居矣財充滿而不溢則不以僭侈費財而致虛耗其富可長有矣蓋言不危不溢其道行之可入也。富貴不離其身然後能保

其社稷而和其民人。蓋諸侯之孝也。社土神稷穀神列國皆有社稷其君主而祭之諸侯之社稷民人皆祖宗受之於天子而傳之

子孫者故上承天子下撫國人必小心慮患長守富貴不離其身然後能保守社稷而民人和悅此諸侯之孝也。詩云戰戰兢兢如臨深淵如

履薄冰。詩小雅小旻之篇引此以見為諸侯者常須戒懼如臨淵恐墜履水恐陷方能不危不溢以盡其孝道也。

卿大夫章第四。此章言卿大夫之孝卿與大夫不同而合言之者其行同也。

非先王之法服不敢服。非先王之法言不敢言。非先王之德行不敢行。

法服謂先王所制章服各有品秩也法言謂禮法之言德行謂道德之行卿大夫事君從政承上接下服飾言行須遵禮典非法服而服之是僭服非法言而言之妄言非德行而行之是偽行三者皆於

孝道有虧故敬慎守之而不敢違也。是故非法不言。非道不行。口無擇言。身無擇行。言滿天

下無口過。行滿天下無怨惡。是故其不敢之心不言則已言必守法不行則已行必遵道口之所言身之所行皆遵道法故無可擇言之多雖滿

天下既有禮法自無有失口之過失行之多雖滿天下既有道德自不招人之怨惡矣蓋三者之中言行尤為切過故重言以明之也。三者備矣。然後能守

其宗廟此卿大夫之孝也

三者即服言行是也禮卿大夫立三廟以祀先祖必三者無虧者後能保守宗祀卿大夫之孝當如是也

詩云

夙夜匪懈以事一人

詩大雅燕民之篇一人謂君也引此以明為卿大夫者能早夜不惰敬事其君則戒懼之心常存自無三者之失也

士章第五

此章言士之孝

資於事父以事母而愛同資於事父以事君而敬同

士始升公朝離親入仕家修而廷獻之故言取

於事父之行以事母則愛母與愛父同取於事父之行以事君則敬君與敬父同子未嘗不敬母也而愛先之母以鞠育而愛厚也然元其愛母之心承歡色養不敢少違母意非敬乎臣未嘗不愛君也而敬先之君以尊高而敬生也然揆其敬君之心奔走服勤不忍少負君恩非愛乎總之愛敬皆出於誠心其自然之性情有如此者故分言之以明真摯之極而其理未嘗不兼具也

取其愛而君取其敬兼之者父也

此言事父之道兼愛君也為臣子者於君與父母其愛敬之心原無分別惟親至則敬不極盡言情

親而禮節儀文之恭自少非謂不敬也尊至則愛不極蓋言心敬而左右依戀之時不多非謂不愛也惟父則得朝夕奉養與母同奉教束命與君同故云事父之道兼愛敬者正以明愛敬之真心俱有其極無少虛

故以孝事君則忠以敬事長則順

士初離膝下方登仕籍或未盡知事君事長之道然而愛敬父母者所謂孝也

以此孝道事君則不忍欺君之心即愛親之孝也不敢慢君之心即敬親之孝也為人臣而至於不忍欺不敢慢者不謂之忠也可乎長謂卿大夫也以事父兄之敬用之事長則此心常存謹畏自不至有驕陵之心悖慢之行而同寅協恭以為師法可謂順矣究之忠順皆本於事親之孝也

忠順不失以事其上然後能保其祿

位而守其祭祀蓋士之孝也

上兼君長而言士亦得立宗廟祀其先祖言能合忠與順而不失其道以事君與長則君諒其忠卿相樂其順然後

能保其俸廩之祿官爵之位而永守祖先之祭祀蓋士無田則不祭故祿位與祭祀相關而士之孝當如是也詩云夙興夜寐無忝爾所生詩小雅小宛之篇所生謂父母引此以見為士者當小心勉力早起夜寐求無辱其父母而無辱之道則在於忠順不失也

庶人章第六

此章言庶人之孝

用天之道分地之利

庶人服田力穡舉農畝之事順四時之氣春氣發生則當耕種夏氣長養則當芸苗秋氣收斂則當割獲冬氣閉塞則當蓋藏推之凡事而必順時此用天道也分別山林川澤邱陵墳衍原隰五土之高下隨其地之宜產而播種之此分地利也

不順天道則先時後時而物無以生不辨地利則終日勤動而物終不成二者皆得則生植成遂衣食裕矣謹身節用以養父母此庶人之孝也

安之即俯足以畜妻子而樂我妻

孝父母之心亦周慰也然凡人之情稍充裕則多生事尤必謹身守法不敢放縱以違恥辱罪戾而不遺父母之憂且財有餘則易耗費人當省儉用度不敢奢侈公賦既完私用不濫以無闕二親之舉如此養其父母不徒口體之養即謂之養志亦可庶人之孝當如是也故自天子至於庶人孝無終始而患不及者

未之有也

上自天子下至庶人雖有尊卑之分其根於一本之天性則一也孝雖有五等之別其所以各盡其道以抒其不能自己之情則一也若心欲行孝則隨所處而皆可以自盡

蓋自有身以後無日非為人子之日則無日非當盡此孝道之時豈有久暫之殊姑待之日而以力不及為患者此必無之理也為人子者貴賤貧富皆當自勉不可以所遇不同而生怠緩之心也

三才章第七

此章言孝道之大及本孝立教之義天地人謂之三才

曾子曰其哉孝之大也子曰夫孝天之經也地之義也民之行也

曾子

平日以保身為孝不知孝之通於天下無限尊卑故聞夫子之言始知孝道之大遂歎美之大夫子遂言民性之孝原於天地天之三光有度而以民生覆幬為常故曰經地之五土有性而承順利物為宜故曰義得天之性為慈愛得地之性為恭順是即孝也孝為百行之人所當常行者天地之經故曰民行由是觀之孝合三才以為大在天為經在地為義在民為行其實理一也

而民是則之則天之明因地之利以順天下是

政不嚴而治

凡民生於天地之間稟天地之性天地既具此經常之理人法天地亦當以此為常行也夫民有初生以來皆知愛親愛親之心即孝也然此愛親之心有不期然而然者窮之而原執之而無體用之而無盡廣大而無際此豈非天地之經乎然但民不能自法天地

全賴聖人倡之聖人則天之明承三光紀四時而民皆出作入息始知夙興夜寐無忝爾所生因地之利辨五土播百穀而民皆耕田鑿井始得晨羞夕膳敬養無違是統因夫天地自然之道以順天下之

人民孝養愛敬之心而立之政教實聖人之事也惟其政教既順於人心是以人皆樂從教則不待肅戒而自成政則不待威嚴而自治其化之神有如此者是蓋知

孝者天性之自然人心所固有聖人之政教所以云順天下也先王見教之可以化民也

是故先之以博愛而民莫遺其親陳之以德義而民興行先之以敬

讓而民不爭道之以禮樂而民和睦示之以好惡而民知禁

政教皆可

本孝之教其化尤神先王知此教本于天地易於化民也是故以身先之人君愛其親而推此愛親之心以博愛其民民皆法則之施由親始無有遺棄其親者矣陳說德義之美以感動民心民皆興起於躬行而無有甘於自棄者矣又身行敬讓以率先天下而民皆讓路讓畔無有陵競之行矣復導民以禮正其身而節其行導民以樂平其心而怡其情禮樂兼備內外交養民皆和順親睦而無乖戾之心矣又示之以善之當好惡之當好則有慶賞惡則有刑威民遂知有禁令而不敢犯

詩云赫赫

師尹民具爾瞻。詩小雅節南山之篇師尹周太師尹治也引此謂師尹不過大臣尚且為民瞻望況有天下者以身行教化又何難於化民成俗乎由是而知敷明於上化行之益良匪淺也

孝治章第八 此章言由孝而治之義

子曰。昔者明王之以孝治天下也。不敢遺小國之臣。而況於公侯伯

子男乎。故得萬國之歡心。以事其先王。此言天子之孝治也。昔者明哲之王以孝道而治理天下也。推其愛敬之心至於附庸小國之臣尚不敢遺忘以闕其禮況于公侯伯子男五等之君乎。以此之故舉天下萬國之眾而皆得歡悅之心尊君親上同然無間人心和而王業盛社稷靈長而宗廟莫安以此奉祀其先王則孝道至矣。夫子所以首稱明王而言其不敢者蓋即不敢惡慢于人之心也。明王聯天下為一身大國小國之君臣是吾四肢百骸也。億兆之民是吾髮膚也。鰥寡鳬獨顛連無告者是吾膚理之病癢而不寧者也。明王不敢遺小國之臣即不敢忽印民侮所寡虐無告何也。所以敬吾身也。敬吾身所以敬吾親矣。故天下之人莫不尊親所謂以天下尊養者也。夫堯舜之道孝弟而已然以欽明溫恭開萬世治道之源可見孝道即治道統不外此一敬爾

治國者不敢侮於鰥寡。而況於士民乎。故得百姓之歡心。以事其先君。此言諸侯之孝治也。諸侯法天子而以愛敬治其國尚不敢侮慢於無妻之鰥無夫之寡况知禮義之士與効力之民乎。以此之故所以得百姓之歡心而和其民人保其社稷矣。以此而事其先君豈非孝道之大者乎

妾而況於妻子乎。故得人之歡心以事其親。此言卿大夫之孝治士庶人亦可推而知也。大夫以孝治其家者推

其愛敬之心下及於臣妾之疎賤者尚不敢少失其心而況於妻子之親且貴乎以此之故無貴無賤無親無疎皆得其歡心而可以事其父母矣蓋君子之道莫大乎孝孝之本莫大乎順親故人孝子欲順乎親必先於妻子不失其好兄弟不失其和以至一門之內上下尊卑秩然雍睦然後可養父母之志而無違也治家者可不慎乎

夫然故生則親安之

祭則鬼享之是以天下和平災害不生禍亂不作故明王以孝治天下也如此

下也如此

天子諸侯卿大夫以孝治天下國家而皆得其歡心以事其親誠如是也親生而存則安其養而心志康泰非徒甘旨之具也親歸而鬼則享其祭而神明感格非徒陳薦之

文也總由於心志之素安所以神氣之是感也是以普天之下和氣洋溢蕩蕩乎無乖戾之氣則水旱疾疫之災害自然不生無陵侮之行則盜賊干戈之禍亂自然不作蓋以天子身率於上諸侯以下化而行之人人盡孝則心和氣和而天地之和應之也明王之躬行愛敬而神人上下靡不感悅神效如此豈非孝治之極隆者乎詩云有覺德行四國順之詩大雅抑之篇引此言天子有明大之德行則四方之國皆順從之蓋天子以至德要道順天下四方皆感之而無不順乃理勢之必然孝治之所以易於化民也

聖治章第九

此章言聖人治世之要道

曾子曰敢問聖人之德無以加於孝乎子曰天地性之人為貴人之

行莫大於孝

曾子既聞孝治之大極至之效以為政教之隆皆本於德故問聖人之德果無以加於孝乎夫子以為天以陽生萬物地以陰成萬物天地之生成萬物者雖以陰

陽之氣然氣以成形而理亦賦焉人與物均得天地之氣以成形秉天地之理以成性物得質之偏其實蠢人得氣之全其質靈是以人能全其性則與天地參為三才而物不能也故天地之性惟人為貴而以前人之行言之則莫大於孝何也人之所以貴者以此性也性之德為仁仁為人心之全德主於愛而愛莫切於愛親故人之百行以孝為先能孝即仁人仁者必孝此所以行莫大於孝

孝莫

大於嚴父。嚴父莫大於配天。則周公其人也。

孝之大無所不至而莫大於尊敬其父尊敬之禮無所不至而莫大

於以父配高上天惟天為大至尊無對而以己之父配之則尊敬之者至矣仁人孝子愛親之心雖則無窮而立網陳紀制禮之節原自有限謂父為天古今所同求其盡孝之大而得自遂其心行以父配天之禮者則始自周公故曰其人也蓋自武王有天下之後周公始制此禮以尊敬其父文王也

王於明堂以配上帝是以四海之內各以其職來祭。夫聖人之德又

何以加於孝乎。

郊園丘祭天也后稷周之始祖也宗祀謂別立一廟為百世不祧之宗也明堂天子布政之宮也其制後為室前為堂室幽暗堂顯明事人鬼尚幽故於

室祀天神尚明故於堂上帝即天也郊則尊之而曰天以形體言也堂則親之而曰上帝以主宰言也配天謂冬至祀天於圓丘以始祖后稷配享也配上帝謂季秋於明堂祀上帝以文王配享也周公輔成王制禮作樂以萬物本乎天文武之功本乎后稷因祭天於郊乃尊始祖后稷以配天萬物成於帝人成形於父因祭上帝於明堂乃尊父文王以配上帝此報本反始之禮所以為治天下之大經也周公之尊其祖父者如此是以德教形於四海四海之內為諸侯者各以其職分所當然咸來助祭敬供郊廟之事矣孝德之感人至此之極由是觀之聖人之德誠無以加於孝也

生之膝下以養父母日嚴聖人因嚴以教敬因親以教愛聖人之教

不肅而成其政不嚴而治其所因者本也。

此承上文言聖人之德無加於孝而聖人之教人以孝亦非有所以強拂也凡

人親愛之心生於童幼當嬉戲於父母膝下之時便知親愛父母比及稍長漸加禮義則其奉養父母也日加尊嚴於一日此人之本性良知良能也而聖人之教因其目嚴之心而教之以敬恐其狎恩恃愛而易失於不敬也因其親之心而教之以愛恐其尊敬過恭而至於疎也夫愛敬無所待教而此言教愛敬者樂記曰禮者為異樂者為同同則相親異則相敬樂勝則流是愛深而敬薄也禮勝則離是

嚴多而愛少也不教敬則不嚴不和親則忘愛敬雖人所同具聖人恐其溺欲而忘本故教之也然亦不過啟發其良心因其本性非有所待於外也故其教則不待肅而自成其政不待嚴而自治以其所因者乃愛敬之本

心天性之固有也父子之道天性也君臣之義也父母生之續莫大焉君

親臨之厚莫重焉

父子之道其親也天性然也雖有強暴之人見子則憐之於襁褓之兒見父則笑果何為而然哉此父子之道所以為天性而不可解也父慈子孝

乃天性之本然加以日嚴又有君臣之義然亦天分之自然也夫人子之身氣始於父形成於母其體本相連續從此一氣而世世接續為親之枝上以承祖考下以傳子孫人倫之道至親之續孰大於此惟其至親也所以至尊易曰家人有嚴君也父母之謂也父母既為我之親又為我之君而臨乎其上則恩義之厚孰重於此此愛敬之心所以不能自己也故不愛其親而

愛他人者謂之悖德不敬其親而敬他人者謂之悖禮以順則逆民

無則焉不在於善而皆在於凶德雖得之君子不貴也

德主愛禮主敬愛敬之心原於一本

故必愛敬其親而後推以愛敬他人者則於德禮不悖而謂之順若不愛敬其親而先愛敬他人則於德禮也悖矣悖則謂之逆立教者將以順示則先以應順者而逆行之民又何所取法乎夫順則為善而吉逆則為不居於善而皆居於凶德舍愛敬之善行就悖逆之凶德雖或得志而為民上焉君子不貴也君子則不然言思可道行思可

樂德義可尊作事可法容止可觀進退可度以臨其民是以其民畏

而愛之則而象之故能成其德教而行其政令

君子則順而不逆所貴者推愛敬其親之心以及他人則本原

之地先正故其愛敬之心發之而為言必思可道而後言言無不信矣愛敬之心措之而為行必思可樂而後行行無不悅矣由此而立德行義不違正道故可尊由此而制作事業動得物宜故可法推之

於容止則威儀必合規矩而可觀推之於進退則動靜不違禮法而可度如是則立身行道處世接物之間無非愛敬即無非德禮以此臨御其民民皆視其威如神明儼然人望而畏之親其德如父母焉然威慕而愛之法其端範而日思敬象之上順以率下下順以效上故德教成而敬令行又何待於嚴肅哉是章前言人人皆有此愛敬之心而聖人獨能自盡後言聖人因皆有此愛敬之心而教之使各隨分自盡由是觀之聖人之德無加於孝益明矣

詩云淑人君子其儀不忒

君子威嚴不差為入法則者皆本

紀孝行章第十

此章紀孝子事親之行有當盡者五當戒者三

子曰孝子之事親也居則致其敬養則致其樂病則致其憂喪則致

其哀祭則致其嚴五者備矣然後能事其親

人子能事其親而稱孝者於平居之時當致其恭敬起居飲食必加

虔謹如昏定晨省出告反面夔夔齋慄者是也奉養之時當盡其歡樂承順志無所拂逆所謂有深愛者必有和氣婉容是也父母有疾則當盡其憂宜惟醫藥必備湯藥必親如行不翔言不惰色容不勝衣不解帶是也若親喪亡則盡誠盡禮擗踊哭泣終其哀情若春秋祭祀則誠敬齋戒防其嗜欲訖其邪物致其嚴肅備此五者則生事盡祭無一不盡其愛敬之心然後為能盡事親之道也夫人之一身心為之主士有百行孝為之原為人子者誠以愛親為心而不忘事親之孝常有以致其敬則敬存而心存過養則樂過病則憂過喪則哀過祭則嚴然則五者尤當以致敬為切要也

者居上不驕為下不亂在醜不爭居上而驕則亡為下而亂則刑在

醜而爭則兵三者不除雖日用三牲之養猶為不孝也

事親者既有五要又有三戒居人上